

四庫全書

史部

欽定四庫全書

弇山堂別集卷四十二

明 王世貞 撰

東宮三師表上

東宮三師古官也漢獨置太子太傅二千石至東漢為中二千石少傅比二千石後亦為二千石魏晉以還雖並設三師而往往不備官大約太師太傅太保為一品下少師少傅少保為二品上高帝初因勝國之制自太

師至賓客皆無所關掌而詹事以下至於坊局始實為
宮臣然洪武元年丞相善長達平章遇春帶少師少傅
少保右都督馮勝帶詹事平章廖永忠趙鏞帶副詹事
都督康茂才等帶左右率府使副御史大夫湯和鄧愈
帶左右諭德中丞劉基章溢帶贊善大夫善長基溢理
省臺幾事煩日不暇給而達遇春等諸大將帥征討之
不遑然則以虛名被之而已所日授經者宋濂輩耳洪
武二十二年公馮勝傅友德領太師公藍玉李景隆領

太傅公常昇侯孫恪領太保而尚書詹徽兼少保尚書
楊靖領賓客亦不聞有關掌永樂初以公李景隆丘福
領太師朱能領太傅尚書蹇義金忠侍郎墨麟領少詹
事而學士解縉等七人皆兼坊學士庶子諭德中允等
官顧獨僧姚廣孝專為太子少師會上狩北京廣孝與
義忠麟留輔太子學士楊士奇亦以諭德輟閣務輔太
子而自是以後三師至賓客乃為虛銜以待文武大臣
之資重或有功者然三師視三孤三少在尚書上賓客

在侍郎上故為表之使有考焉

太子太師

勲臣凡十三人

馮勝直隸鳳陽人洪武二十二年以征北大將軍宋國公加二十八年卒

傅友德直隸宿州人洪武二十二年以征北大將軍潁國公加二十七年卒

李景隆直隸盱眙人建文元年以平北大將軍太子太

傅嗣曹國公加永樂因之二年下獄削

丘福直隸鳳陽人永樂二年以中軍左都督淇國公加

八年北征陷沒追削

陳懋見前景泰三年以太保寧陽侯兼天順元年辭

石亨陝西渭安人景泰三年以京營總兵武清侯加天

順元年進封公辭太師

柳溥見前景泰五年以太子太傅征蠻將軍嗣安遠侯

加

張懋見前成化二十二年以太子太傅英國公加太傅
兼弘治四年太師兼

朱永見前成化二十二年以太子太傅保國公加太傅
兼弘治四年太師兼

徐光祚見前嘉靖四年以太傅嗣定國公加兼五年以
太師兼

郭勛見前嘉靖十六年以太傅嗣武定侯加兼十八年
以太師兼

朱希忠見前嘉靖三十一年以太傅嗣成國公加兼四十四年以太師兼

仇鸞見前嘉靖三十一年以太保太子太傅嗣咸寧侯加太傅兼

文臣凡二十七人

郭資河南武安人永樂二十二年以戶部尚書致仕加尋起以太師掌部事宣德七年卒

胡濙見前景泰三年以少傅加兼天順元年辭

王直見前景泰三年以少傅加兼天順元年辭

萬安見前成化二十一年以太子太傅加以少傅兼二

十二年以少師兼

劉吉見前成化二十三年以少保太子太傅加以少傅

兼弘治四年以少師兼

徐溥見前弘治十年以少傅加兼十一年以少師兼

劉健見前十五年以少傅加少師兼

馬文升見前十六年以少傅加少師兼

李東陽見前正德元年以少傅加少師兼

焦芳見前正德四年以少傅加少師兼

楊廷和見前正德七年以少傅加少師兼

梁儲見前正德十年以少傅加少師兼

王瓊見前正德十四年以少傅加以少師兼

費宏見前嘉靖四年以少保加以少師兼

楊一清見前嘉靖五年以少師加兼

張孚敬見前嘉靖十一年以少傅加兼十三年以少師

兼

李時見前嘉靖十六年以少傅加兼

夏言見前嘉靖十六年以少傅加兼十八年以少師兼

嚴嵩見前嘉靖二十四年以少傅加兼二十五年以少

師兼

徐階見前嘉靖四十一年以少傅加兼四十二年以少

師兼

李春芳見前隆慶二年以少傅加兼三年以少師兼

高拱見前隆慶三年以少傅加兼四年以少師兼

陳以勤見前隆慶四年以少傅致仕加兼

張居正見前萬曆四年以少傅兼六年以少師兼再以
太傅太師兼

張四維見前萬曆十年以少傅加兼本年以少師兼

申時行見前萬曆十二年以少傅進加少師兼

許國見前萬曆十七年以少傅加兼

太子太傅

勲臣凡三十三人

藍玉直隸定遠人洪武二十三年以征北大將軍涼國公加二十六年伏法

李景隆見前洪武二十三年以嗣曹國公加

徐輝祖達之子建文元年以嗣魏國公加永樂元年削
朱能直隸懷遠人永樂二年以左軍都督府左都督成
國公加四年卒

柳升直隸懷遠人永樂二十二年以安遠侯加宣德二

年戰歿

柳溥見前景泰三年以總兵嗣安遠侯加

張懋見前成化末以嗣英國公加

朱永見前成化末以保國公加

朱儀直隸懷遠人成化末以嗣成國公加弘治九年卒

沐琮見前成化末年以嗣黔國公加弘治九年卒

蔣琬見前成化末年以太保加兼弘治三年以太傅兼

李瑾見前成化末年以太保加兼

趙勝見前成化末年以太保加兼

王鏞陝西咸寧人弘治中以嗣成山伯加嘉靖四年卒

陳韶四川巴縣人弘治中以嗣遂安伯加十七年卒

徐備直隸鳳陽人弘治末以嗣魏國公加嘉靖二年卒

朱輔儀之子正德初以嗣成國公加正德十二年卒

陳銳見前弘治中以太保加兼再以太傅兼

毛銳正德中以嗣伏羌伯加尋革嘉靖初復加

沐崑直隸定遠人正德中以嗣黔國公加十四年卒

李旻直隸定遠人嘉靖初以嗣豐城侯加十年卒

張偉見前嘉靖初加十四年卒

顧仕隆直隸江都人嘉靖初以嗣鎮遠侯加七年卒

郭勛見前嘉靖初以太保加兼尋革後復再以太傅兼
沐紹勛見前嘉靖中加十五年卒

衛鐸見前嘉靖中以太保加兼

朱希忠見前嘉靖十八年加尋以太保兼再以太傅兼
崔元見前嘉靖十八年加尋以太保兼再以太傅兼

陳鏹見前嘉靖中以少保兼

仇鸞見前嘉靖三十年以太保加兼

張溶見前萬厯中以少保加兼再以少傅兼

楊炳直隸六合人萬厯十一年以太子太保加再以少

傅兼

徐文壁見前萬厯十二年以少保進太保加兼

文臣凡四十六人

胡濙見前正統十四年以禮部尚書進加

于謙見前景泰三年以少保加兼

陳循見前景泰三年以少保加兼

高穀見前景泰三年以少保加兼

萬安見前成化十六年以太子太保謹身殿學進加

尹旻見前成化十七年以太子太保吏部尚書進加二

十一年降太子少保

王越見前成化十七年以太子太保威寧伯左都御史

進加十九年削弘治十一年再以少保加兼

劉吉見前成化二十年以少保加兼

徐溥見前弘治四年加

屠淵見前弘治十一年以太子太保吏部尚書進加十

三年致仕正德二年再起

劉健見前弘治十一年以少傅加兼

王越見前弘治十一年加少保兼

馬文升見前弘治十一年加少保兼

白昂直隸武進人弘治十三年以太子太保刑部尚書

致仕加

李東陽見前弘治十八年加少傅兼

謝遷見前弘治十八年加少傅兼

焦芳見前正德二年以少傅加兼

王鏊見前正德二年加少傅兼

劉宇見前正德三年以兵部尚書進加再以少傅兼

楊廷和見前正德四年加少傅兼

劉忠見前正德五年加少傅兼

梁儲見前正德七年加少傅兼

楊一清見前正德八年以少保加兼九年以少傅兼嘉
靖四年以少師兼

王瓊見前正德十三年加少傅兼

蔣冕見前正德十三年以大學士加再以少傅兼

毛澄直隸太倉人嘉靖二年以禮部尚書致仕加

張孚敬見前嘉靖七年加少傅兼

桂萼見前嘉靖七年以少保兼

李時見前嘉靖十五年以少保加兼再以少傅兼

夏言見前嘉靖十五年以少保加兼再以少傅兼

顧鼎臣見前嘉靖十八年加少保兼

翟鑾見前嘉靖十九年以太子少保進加尋以少保兼
再以少傅兼

嚴嵩見前嘉靖二十三年以少保加兼再以少傅兼

徐階見前嘉靖三十年以少保加兼再以少傅兼

李本見前嘉靖三十闕年以少保加兼再以少傅兼

雷禮見前嘉靖四十三年以太子太保進加尋以少保
兼再以少傅兼

李春芳見前隆慶元年加少傅兼

郭朴見前隆慶元年加少傅兼

高拱見前隆慶元年加少傅兼

楊博見前隆慶二年加少傅兼

陳以勤見前隆慶二年加少傅兼

張居正見前隆慶三年加少傅兼

呂調陽見前萬厯三年以少保加兼四年以少傅兼

張四維見前萬厯中以少保加兼再以少傅兼

申時行見前萬厯十一年以少傅加兼

許國見前萬厯十三年以少傅加兼

右尹旻白昂毛澄不兼保傅胡濙萬安王越徐溥劉
宇蔣冕雷禮初不兼保傅

武臣凡四人

周尚文見前嘉靖中以太保加兼

陸炳見前嘉靖中加少保兼再以太保兼

朱希孝見前萬厯初以太保加兼

劉守有湖廣麻城人萬厯十六年以太子太保左都督
進加

太子太保

勲臣凡三十六人

常昇直隸濠州人遇春之子洪武二十三年以開國公
加建文四年謫

孫恪直隸濠州人都督興祖之子洪武三十三年以全
寧侯加

王通陝西咸寧人永樂二十二年以成山侯加宣德二
年奪

薛祿見前洪熙元年加

金忠見前洪熙元年加

朱勇見前宣德中加

吳克忠山後人宣德中以恭順侯加

張輓河南祥符人輔之弟景泰三年以中軍都督僉事加天順元年辭爵進封伯

朱永見前成化中以撫寧侯加

張懋見前成化中加

蔣琬見前成化中加

李勇直隸定遠人成化中以嗣豐城侯加

趙勝見前成化中加

李瑾見前成化中加

譚祐見前成化中加弘治中再以太保兼

陳銳見前成化中加弘治中再以太保兼

顧溥直隸江都人弘治中以嗣鎮遠侯加

劉福直隸濬縣人弘治中以嗣寧晉伯加

朱麒河南夏邑人永之孫嘉靖中以嗣撫寧侯加

衛鐸見前嘉靖中加

陳鏞見前嘉靖中加

徐鵬舉直隸鳳陽人嘉靖中以嗣魏國公加

譚綸直隸清河人嘉靖中以嗣新寧伯加尋削

柳珣見前嘉靖中加

張溶見前嘉靖中加

仇鸞見前嘉靖中加尋奪再加

陳珪見前嘉靖中加

王瑾直隸東鹿人嘉靖中以嗣靖遠伯加

蔣傳直隸江都人嘉靖中以嗣定西侯加

顧寰見前嘉靖中加

陳王謨珪之子隆慶中加

湯佑賢直隸濠州人萬厯中以嗣靈璧侯加

楊炳見前萬厯中以嗣彰武伯加

徐文璧見前萬厯十一年以少保兼

沐昌祚定遠人萬厯十三年以黔國公加

李言恭盱眙人萬厯十六年以臨淮侯加

親臣凡四人

夏儒直隸上元人毅皇后父嘉靖元年以慶陽伯加

蔣輪直隸徐州人章聖皇太后弟嘉靖中以玉田伯加
尋奪

陳萬言直隸元城人肅皇后父嘉靖中以泰和伯加
方承裕直隸江寧人孝烈皇后弟嘉靖中以嗣安平伯
加再以少保兼

文臣凡一百二十三人

呂震陝西臨潼人永樂二十二年以太子少師禮部尚
書進加宣德二年卒

王直見前正統十四年以吏部尚書加

金濂直隸山陽人景泰元年以戶部尚書加二年削三年再加六年卒

王文見前景泰二年以都察院左都御史加

何文淵江西廣昌人景泰三年以吏部尚書加四年致仕

陳鑑吳縣人景泰三年以都察院左都御史加四年致仕

俞士悅直隸長洲人景泰三年以刑部尚書加天順元年戌

王翱直隸鹽城人景泰三年以都察院左都御史加天順元年辭成化元年再以太子少保吏部尚書進加

石璞河南臨漳人景泰三年以工部尚書加天順元年辭

儀銘山東高密人景泰三年以兵部尚書掌詹事府加五年卒

萬安見前成化中以太子少保大學士進加

尹旻見前成化中以太子少保吏部尚書進加

劉珥見前成化中以太子少保大學士進加

劉吉見前成化中以太子少保大學士進加

王越見前成化中以太子少保都察院左都御史進加

余子俊見前成化中以太子少保兵部尚書進加尋奪

弘治元年復加三年卒

王恕見前陝西三原人成化二十二年以吏部尚書召

用進加六年致仕

丘濬見前弘治四年以禮部尚書掌詹事府加再以少保兼

耿裕河南盧氏人弘治七年以吏部尚書進加八年卒
馬文升見前弘治七年以太子少保兵書進加

屠瀟見前弘治八年以太子少保吏部尚書進加

白昂見前弘治中以刑部尚書加

劉健見前弘治七年以禮書武英殿大學士加

徐貫浙江淳安人弘治中以太子少保工部尚書致仕
加

徐瓊江西金谿人弘治中以太子少保禮部尚書致仕
加

閔珪見前弘治中以太子少保刑部尚書進加

周經山西陽曲人弘治十三年以太子少保戶部尚書
致仕加正德元年起

李東陽見前弘治十六年以太子少保禮部尚書文淵

閣大學士進加

謝遷見前弘治十六年以太子少保兵部尚書東閣大學士進加

劉大夏湖廣華容人弘治十八年以兵部尚書致仕加
王軾湖廣公安人弘治十八年以南京兵部尚書致仕
加

張昇江西南城人正德元年以禮部尚書致仕加

焦芳見前正德元年以吏部尚書文淵閣大學士進加

屠勲浙江平湖人正德二年以刑部尚書致仕加

閻仲宇陝西瀧州人正德中以兵部尚書致仕加

李鏈河南湯陰人正德中以工部尚書進加十六年致
仕

何鑑浙江新昌人正德中以兵部尚書致仕加

楊廷和見前正德三年以戶部尚書文淵閣大學士進
加少保兼

梁儲見前正德六年以太子少保吏部尚書武英殿大

學士進加少保兼

楊一清見前正德七年以太子少保吏部尚書進加少

保兼

費宏見前正德七年以禮部尚書文淵閣大學士進加
十年致仕十六年起以少保兼

洪鍾浙江錢塘人正德八年以太子少保刑部尚書總
督川廣軍務進加

靳貴直隸京口人正德十年以禮部尚書文淵閣大學

士進加十二年致仕

陸完直隸長洲人正德十年以太子少保兵部尚書進

加

彭澤見前正德十年以太子少保都察院左都御史總督四川等處軍務進加十三年為民十六年起

王瓊見前正德十二年以太子少保兵部尚書進加少保兼嘉靖九年再以總督陝西三邊尚書加十一年卒

陳金湖廣應城人正德中以太子少保總督兩廣都察院左都御史進加再以少保兼

王璟山東沂州人正德中以都察院左都御史進加十六年致仕

張子麟直隸藁城人正德中以太子少保刑部尚書進加

田景賢直隸涿州人正德中以禮部尚書掌太常寺加毛紀見前正德十二年以禮部尚書文淵閣大學士加

再以少保兼

劉宇見前正德十六年以南京兵部尚書加再以少保兼

韓文山西洪洞人正德十六年以致仕戶部尚書特加

孫交湖廣鍾祥人嘉靖二年以戶部尚書致仕加

林俊福建莆田人嘉靖二年以刑部尚書致仕加

陶琰山西絳州人嘉靖三年以太子少保南京兵部尚

書致仕加

石琚見前嘉靖四年以吏部尚書文淵閣大學士進加
再以少保兼

賈詠見前嘉靖四年以禮部尚書文淵閣大學士加再
以少保兼

席書見前嘉靖四年以禮書進加再以少保兼

廖紀見前嘉靖四年以吏部尚書進加
李承勛湖廣嘉魚人嘉靖七年以太子少保刑部尚書
進加十年卒

胡世寧浙江仁和人嘉靖八年以兵部尚書進加致仕卒

方獻夫廣東南海人嘉靖八年以禮部尚書翰林院學士進加再以少保兼

王憲山東東平人嘉靖六年以兵部尚書都察院右都御史總制陝西三邊軍務進加七年革任十年再起十三年致仕

汪鋐直隸婺源人嘉靖十年以兵部尚書都察院右都

御史進加十四年致仕

李時見前嘉靖十年以禮書進加再以少保兼

夏言見前嘉靖十一年以禮部尚書翰林院學士進加再以少保兼

秦金嘉靖十三年以太子少保工部尚書改南京兵部進加十五年致仕

顧鼎臣嘉靖十六年以禮部尚書掌詹事府翰林院學士進加

許讚見前嘉靖十七年以吏部尚書進加再以少保兼
張瓚見前嘉靖十七年以兵部尚書進加再以少保兼
嚴嵩見前嘉靖十七年以禮部尚書進加再以少保兼
林庭楫福建閩縣人嘉靖十七年以工部尚書進加尋
致仕

王廷相河南儀封人嘉靖十八年以太子少保兵部尚
書左都御史掌都察院進加二十年奪

毛伯溫江西吉水人嘉靖十九年以太子少保兵部尚

書右都御史參贊征南軍務加二十三年奪

劉天和湖廣麻城人嘉靖二十年以兵部尚書左都御史總督陝西三邊軍務加二十二年致仕

許紳太醫院籍嘉靖二十一年以禮部尚書掌太醫院事加尋卒

熊浹江西南昌人嘉靖二十四年以吏部尚書加尋奪
唐龍浙江蘭溪人嘉靖二十四年以吏部尚書加尋奪
甘為霖見前嘉靖二十四年以少保加兼

張璧湖廣石首人嘉靖二十四年以禮部尚書東閣大學士進加尋卒

聞淵浙江鄞縣人嘉靖二十六年以吏部尚書進加二十八年致仕

費寀見前嘉靖二十六年以禮部尚書進加再以少保
兼二十八年卒

徐階見前嘉靖二十九年以禮部尚書進加再以少保
兼

顧可學見前嘉靖二十九年以帶俸太子少保禮部尚書進加後削

王以旂直隸江寧人嘉靖中以太子少保兵部尚書都察院右僉都御史總督陝西三邊軍務進加三十六年卒

李本見前嘉靖三十二年以禮部尚書文淵閣大學士進加再以少保兼

屠僑浙江鄞縣人嘉靖三十三年以太子少保都察院

左都御史進加三十四年卒

聶豹江西永豐人嘉靖三十三年以太子少傅兵部尚書進加尋致仕

趙文華浙江慈谿人嘉靖三十五年以工部右侍郎掌通政司事特加兼尚書再以少保兼三十七年奪

楊博見前嘉靖三十七年以太子少保兵部尚書總督山西宣大軍務加再以少保兼

吳山見前嘉靖三十八年以禮部尚書加再以少保兼

四十年閒住

吳鵬浙江秀水人嘉靖三十八年以吏部尚書進加四十年致仕

胡宗憲見前嘉靖三十九年以都察院右都御史進加再以太子少保兼四十二年削

袁煒見前嘉靖四十年以太子少保禮部尚書進加兼殿學再以少保兼

歐陽必進見前嘉靖四十一年以太子少保工部尚書

進兼再以少保兼尋削

江東山東朝城人嘉靖四十四年以太子少保兵部尚書都察院右副都御史進加四十五年卒

雷禮江西豐城人嘉靖四十二年以工部尚書進加

嚴訥直隸常熟人嘉靖四十四年以吏書進加

李春芳直隸興化人嘉靖四十四年以禮部尚書進加

郭朴見前嘉靖四十四年以太子少保禮部尚書進加

高耀直隸清苑人嘉靖四十五年以太子少保戶部尚

書進加

王用賓陝西咸寧人隆慶元年以太子少保南京吏部尚書進加尋致仕

陳以勤見前隆慶元年以禮部尚書文淵閣大學士進加少保兼

張居正見前隆慶二年以禮部尚書武英殿大學士進加少保兼

趙貞吉四川內江人隆慶三年以禮部尚書文淵閣大

學士進加尋致仕

殷士儋山東歷城人隆慶二年以禮部尚書進加再以少保兼萬曆四年致仕

呂調陽見前萬曆元年以禮部尚書文淵閣大學士進加再以少保兼

王崇古見前隆慶六年以太子少保兵部尚書右副都御史總督山西宣大加再以少保兼

朱衡江西萬安人萬曆元年以太子少保工部尚書致

仕加尋削

方逢時見前萬歷三年以兵部尚書協理京營戎政加
再以少保兼

張四維見前萬歷四年以禮部尚書文淵閣大學士加
再以少保兼

王國光山西陽城人萬歷七年以吏部尚書加十年致
仕

馬自強陝西同州人萬歷五年以禮部尚書加兼閣學

六年卒

潘晟浙江新昌人萬厯八年以禮部尚書進加尋致仕
申時行見前萬厯十年以禮部尚書文淵閣大學士進
加再以少保兼

余有丁浙江鄞縣人萬厯十年以禮部尚書文淵閣大
學士進加再以少保兼十二年卒

許國直隸歙縣人萬厯十一年以禮部尚書文淵閣大
學士加十二年再以少保兼

張佳胤四川銅梁人萬曆十一年以太子少保兵部尚

書進加

張學顏直隸肥鄉人萬曆十二年以太子少保兵部尚

書進加

楊兆陝西膚施人萬曆十三年以太子少保工部尚書

進加

鄭洛直隸安肅人萬曆十五年以太子少傅兵部尚書

進加

王錫爵直隸太倉人萬厯十五年以禮部尚書文淵閣大學士加辭十六年以太子少傅武英殿大學士進加

武臣凡七人

梁震陝西榆林衛人嘉靖十八年以大同總兵左都督加

周尚文見前嘉靖二十六年以大同總兵左都督加再以太保兼

陸炳見前嘉靖二十九年以左都督掌錦衣衛加

朱希孝見前嘉靖四十年以左都督掌錦衣衛加

李成梁見前隆慶闕年以遼東總兵左都督加再以太

保兼

戚繼光見前萬曆八年以薊遼總兵左都督加再以少

保兼

劉守有湖廣麻城人萬曆十五年以太子少保左都督

掌錦衣衛加

弇山堂別集卷四十二

欽定四庫全書

弇山堂別集卷四十三

明 王世貞 撰

東宮三師表下

太子少師

勲臣凡一人

李善長見前洪武元年以中書右丞相宣國公加

親臣無

文臣凡五人

呂震見前永樂二十二年以禮部尚書加

蕭鎡江西太和人景泰三年以戶部左侍郎兼翰林院
學士加天順元年戌

江淵四川江津人景泰三年以吏部左侍郎兼翰林院
學士加天順元年戌

王一寧浙江仙居人景泰三年以禮部左侍郎兼翰林
院學士加四年卒

僧姚廣孝長洲人永樂二年左善世陞

太子少傅

勲臣凡二人

徐達見前洪武元年以中書右丞相征北
大將軍信國公加

劉安直隸樂亭人天順七年以廣寧侯加

文臣凡八人

夏原吉見前永樂二十二年以戶部尚書加尋以少保

兼

楊榮見前永樂二十二年以工部尚書謹身殿大學士

兼

俞山江西永新人景泰三年以吏部左侍郎加

張潔廣西全州人正德十年以南京兵部尚書致仕加

李鏊見前正德中以工部尚書加

聶豹見前嘉靖三十七年以太子少保兵部尚書加

鄭洛直隸安肅人萬曆十四年以太子少保兵部尚書

加

王錫爵直隸太倉人萬厯十五年以禮部尚書武英殿

大學士加

太子少保

勲臣凡二人

常遇春直隸濠州人洪武元年以中書平章軍國重事

鄂國公加

吳繼爵隆慶中以征蠻將軍嗣恭順侯加

文臣凡一百四十二人

唐鐸直隸虹縣人洪武中以兵部尚書加

詹徽直隸婺源人洪武中以吏部尚書左都御史加
茹瑄湖廣衡山人洪武末以兵部尚書加

陳迪直隸宣城人建文中以禮部尚書加四年死事

李慶直隸順義人永樂二十二年以兵部尚書加

劉觀直隸雄縣人永樂二十二年以都察院左都御史

加

金幼孜江西新淦人永樂二十二年以戶部右侍郎武英殿大學士加進兼戶部尚書

吳中見前永樂二十二年以工部尚書加

俞綱浙江嘉興人景泰三年以兵部左侍郎加

李錫陝西咸寧人景泰三年以通政使加

蕭維禎江西廬陵人景泰三年以大理寺卿加

羅通江西吉水人景泰三年以都察院左副都御史加

李賢見前天順七年以吏部尚書翰林院學士加

王翔見前天順七年以吏部尚書加

馬昂直隸滄州人天順七年以兵部尚書加

白圭直隸南宮人成化二年以兵部尚書加

陳文江西廬陵人成化二年以禮部尚書文淵閣大學士加

彭時見前成化二年以兵部尚書東閣大學士加

李秉山東曹州人成化初以都察院左都御史加奪

姚夔浙江桐廬人成化中以吏部尚書加

商輅見前成化中以戶部尚書文淵閣大學士加

萬安見前成化中以戶部尚書翰林院學士加

尹旻見前成化中以吏部尚書加後以太子太傅降仍
奪

劉珥見前成化中以戶部尚書翰林院學士加

劉吉見前成化中以禮部尚書翰林院學士加

王復直隸固安人成化中以工部尚書加

李賓直隸順義人成化中以都察院左都御史加

林聰福建寧德人成化中以刑部尚書加

鄒幹浙江餘杭人成化中以禮部尚書加

楊鼎陝西咸寧人成化中以戶部尚書加

王越見前成化中以都察院左都御史加

余子俊見前成化中以兵部尚書加

翁世資福建莆田人成化中以戶部尚書加

殷謙直隸涿州人成化中以戶部尚書加

陳俊福建莆田人成化中以南京吏部尚書加

王恕見前成化中以南京兵部尚書加二十二年奪

張鵬直隸涑水人成化中以兵部尚書加

周洪謨四川長寧人成化中以禮部尚書加

張文質直隸昌黎人成化中以禮部尚書掌通政司事
加

朱英湖廣桂陽人成化末以都察院左都御史加

劉昭陝西邠州人成化末以戶部尚書加二十三年奪
施純直隸東安人成化二十一年以禮部尚書掌鴻臚

寺加

萬祺江西南昌人由吏貢成化末以工部尚書提督易州山廠加

彭華江西安福人成化二十二年以禮部尚書翰林院學士加

尹直江西泰和人成化二十二年以兵部尚書翰林院學士加

賈俊直隸東鹿人弘治中以工部尚書加

葉淇浙江太平人弘治中以戶部尚書加

馬文升見前弘治四年以兵部尚書加

屠滸見前弘治五年以都察院左都御史加

倪岳直隸上元人弘治八年以禮部尚書改南吏部加

白昂見前弘治中以刑部尚書加

劉璋福建南平人弘治中以工部尚書加

閔珪見前弘治中以都察院左都御史加

徐貫見前弘治中以工部尚書加

李東陽見前弘治十一年以禮部右侍郎翰林侍講學士進加兼禮書文淵閣學

謝遷見前弘治十一年以詹事府詹事翰林侍講學士進加兼兵書東閣學

秦紘山東單縣人弘治十六年以戶部尚書都察院左副都御史總制陝西三邊軍務加

張瑩直隸華亭人弘治中以南京兵部尚書加

張悅直隸華亭人弘治中以南京兵部尚書加

徐瓊見前弘治十一年以禮部尚書加

王軾見前弘治十六年以南京戶部尚書加

許逵河南靈寶人正德二年以吏部尚書加

劉宇見前正德二年以都察院右都御史加

張綵陝西安定人正德四年以吏部尚書加

曹元直隸含山人正德四年以兵部尚書加五年奪

梁儲見前正德四年以吏部尚書兼學士掌詹事府改

南京加

王敞南京錦衣衛人正德五年以兵部尚書加

劉機直隸大興人正德四年以吏部尚書加

楊一清見前正德五年以戶部尚書加

李浩山西曲沃人正德中以禮部尚書掌通政司事加

李鏐見前正德中以工部尚書加

洪鍾見前正德五年以刑部尚書加

陸完見前正德七年以都察院左都御史加

彭澤見前正德七年以都察院右都御史加

劉璟河南鄆陵人正德中以刑部尚書加

陳金見前正德中以南京戶部尚書總制江西等七省
加

張子麟見前正德中以刑部尚書加

王璟見前正德中以都察院左都御史加

石玠直隸藁城人正德中以戶部尚書加

李充嗣四川內江人嘉靖初以工部尚書都察院右副
都御史巡撫南直隸加

吳一鵬直隸長洲人嘉靖六年以禮部尚書改南京吏

部加

姚鏌浙江慈谿人嘉靖六年以右都御史總督兩廣加

兼左都

李承勛見前嘉靖六年以吏部尚書改刑部加

胡世寧見前嘉靖六年以刑部尚書改左都御史加尋

辭

秦金見前嘉靖十三年以工部尚書加

翟鑾見前嘉靖十八年以兵部尚書右都御史行邊使
加

毛伯溫見前嘉靖十八年以兵部尚書右都御史總督
軍務加

唐龍見前嘉靖十八年以刑部尚書加

溫仁和四川華陽人嘉靖十八年以掌詹事府禮部尚
書兼翰林學士加尋奪仍為尚書學士

霍韜廣東南海人嘉靖十八年以掌詹事府禮部尚書

魚翰林院學士加

甘為霖見前嘉靖十九年以工部尚書加

王廷相見前嘉靖十六年以兵部尚書都察院左都御史加

周金直隸武進人嘉靖中以南京戶部尚書加

楊守禮山西蒲州人嘉靖中以兵部尚書都察院右都御史總督陝西三邊軍務加

王杲山東汶上人嘉靖中以戶部尚書加尋戍

周用直隸吳江人嘉靖中以吏部尚書加

胡訓江西南昌人嘉靖中以南京兵部尚書加

盛端明廣東南海人嘉靖中以帶俸禮部尚書加

顧可學直隸無錫人嘉靖中以帶俸禮部尚書加

陳經山東益都人嘉靖中以兵部尚書加

費寀見前嘉靖中以禮部尚書兼翰林院學士加

趙廷瑞直隸開州人嘉靖中以兵部尚書加

趙錦直隸太平人嘉靖中以兵部尚書加三十二年奪

孫承恩直隸華亭人嘉靖中以掌詹事府禮部尚書兼翰林院學士加

萬鎗江西進賢人嘉靖中以吏部尚書加尋奪

王以旂見前嘉靖中以兵部尚書右僉都御史總督陝西三邊軍務加

聶豹見前嘉靖中以兵部尚書加

歐陽必進見前嘉靖中以工部尚書加

李默福建建寧人嘉靖中以吏部尚書加三十五年奪

王用賓見前嘉靖中以禮部尚書加

楊博見前嘉靖中以兵部尚書加

許論見前嘉靖中以兵部尚書右副都御史總督宣大
軍務加

屠僑見前嘉靖中以都察院左都御史加

周延江西吉水人嘉靖中以都察院左都御史加

江東見前嘉靖中以戶部尚書改南京兵部加

高耀見前嘉靖中以戶部尚書加

郭朴見前嘉靖中以吏部左侍郎加兼禮書

袁煒見前嘉靖中以吏部左侍郎加兼禮書

朱衡見前嘉靖中以工部尚書右副都御史總督河漕
加

郭乾見前嘉靖中以兵部尚書加

趙炳然四川劍州人隆慶元年以兵部尚書加

王崇古見前隆慶末以兵部尚書右副都御史總督山

西宣大軍務加

高儀浙江仁和人隆慶六年以禮部尚書翰林院學士加

呂調陽見前萬厯元年以禮部尚書武英殿大學士加
譚綸江西宜黃人萬厯元年以兵部尚書加

張瀚浙江仁和人萬厯二年以吏部尚書加

葛守禮山東德平人萬厯三年以都察院左都御史致
仕加

方逢時見前萬厯中以兵部尚書右副都御史總督山

西宣大軍務加

潘季馴浙江烏程人萬歷八年以右都御史總督河工加兼工部尚書十二年削

凌雲翼直隸太倉人萬歷十一年以兵部尚書左副都御史總督河漕加後削

徐學謨直隸嘉定人萬歷十一年以禮部尚書加

楊兆陝西膚施人萬歷十一年以工部尚書加

張佳胤四川銅梁人萬歷十二年以兵部尚書總督薊

遼加

張學顏見前萬歷十二年以兵部尚書加

趙錦浙江餘姚人萬歷十二年以都察院左都御史加

鄭洛見前萬歷十二年以兵部尚書總督宣大軍務加

素洪愈直隸吳縣人萬歷十五年以南京吏部尚書致

仕加

嚴清雲南後衛人萬歷十六年以致仕吏部尚書加

陸樹聲直隸華亭人萬歷十五年以致仕禮部尚書加

王一鶚直隸曲周人萬歷十六年以兵部尚書加

石星直隸東明人萬歷十六年以工部尚書加

邵光先山西長治人萬歷十六年以總督三邊兵部尚書加

武臣凡一人

劉守有見前萬歷十三年以掌錦衣衛後軍左都督加太子賓客

文臣

治書侍御史文原吉范顯祖洪武闕年加兼

四輔官杜佑龔穀吳源趙民望杜闕梁貞洪武十四年

加兼

兵部尚書單安仁洪武初加兼

刑部尚書楊靖洪武二十三年加兼

戶部尚書郭資兵部尚書張本永樂二十二年加兼

兵科都給事中李準洪熙元年兼

國子監祭酒胡濙洪熙元年以禮部左侍郎改南京加

魚

國子監祭酒兼翰林院侍講胡儼洪熙元年以致仕加

魚

戶部尚書金濂正統十四年加魚

戶部左侍郎劉中敷景泰三年加魚

戶部左侍郎李廷相吏部左侍郎張邦奇吏部左侍郎

張潮都察院右都御史毛伯溫嘉靖十八年加魚

吏部左侍郎郭朴禮部左侍郎茅瓚右侍郎袁煒嘉靖

三十六年兼

吏部右侍郎兼侍讀學士申時行萬厯五年加兼

吏部左侍郎兼翰林院學士陳經邦萬厯十一年加兼

禮部左侍郎兼翰林院侍讀學士陳思育萬厯十一年

加兼

吏部右侍郎兼翰林院侍讀學士沈一貫禮部左侍郎

兼翰林院侍讀學士朱賡右侍郎兼翰林院侍讀學士

王弘誨俱萬厯十五年加兼

柱國表序

柱國古勲官也戰國之世楚以處高勲有上柱國柱國以待相及令尹之選而其後絕不聞索魏之初以太尉拓跋嵩位望尊重故特置柱國大將軍崇寵之至爾朱榮亦因而遂進號為天柱西京之魏太師宇文泰而下八人皆用高勲拜柱國蓋所以表閥閱敘門蔭也宇文周之世為柱國者日益夥而亦漸輕故復設上柱國冠之然品止正二而柱國為從二品煬帝之末復置光祿

大夫左右金紫光祿為一二品階罷上柱國柱國不用
唐初復置然遂為三四品勲而自是以上則止稱大夫
大夫而上曰特進曰開府儀同三司而階勲不甚別矣
元始復以上柱國為正一品勲加中書丞相而它官之
至一品者雖加至三公而不可得明興因之以授左右
丞相李善長徐達及中書平章軍國重事常遇春後更
定官制正一品曰初授特進榮祿大夫加授特進光祿
大夫再加或贈曰特進光祿大夫上柱國從一品曰初

授榮祿大夫加授光祿大夫再加曰光祿大夫柱國而無所謂左右柱國者然洪武三年諸功臣國公獨李善長徐達得為左柱國其鄭曹宋衛四公皆為右柱國左柱國貼以光祿右柱國僅貼榮祿而列侯皆以榮祿冠柱國當是時伯爵僅二品勲亦僅為護軍而至永樂初大封功臣伯爵至正一品而諸伯自茹忠誠瑄以下皆得為柱國然其授亦自諸功臣而止所謂加授之令甲為虛設而蹇義以少師滿九載亦稱榮祿而已正統四

年大學士楊士奇楊榮俱以少師加柱國而文臣之有柱國始矣然亦內閣而已成化之二十年吏部尚書尹旻以太子太傅滿考加而尚書之有柱國始矣然亦吏部已耳弘治九年兵部尚書馬文升以太子太保滿考加而諸部之有柱國始矣弘治十八年天子即位推恩內閣而少師劉健以官重無可加因特加特進左柱國而文臣之階勲與上公等矣嘉靖十八年少師夏言以冊上帝號加上柱國其後上復以加少師嚴嵩辭不敢

當其語曰人臣無上蓋欲以形言之僭恣也上果大悅其後復以加少師徐階階亦不敢當萬厯中加太傅張居正居正亦不敢當居正卒遂以為贈而言者不審謂其實為之也至形之論劾謂為無將之罪而不知上柱國在唐世不為重官而二品勲所謂正治上卿者故自若也文臣一品不考滿柱國亦不易得故備志之

上柱國

中書省左丞相宣國公李善長右丞相信國公徐達中

書平章軍國重事鄂國公常遇春

洪武元年階帶銀青榮祿大夫

少師

兼太子太師吏部尚書華蓋殿大學士夏言

嘉靖十九

年階帶特進光祿大夫

左柱國

太師中書左丞相韓國公李善長太傅中書右丞相魏

國公徐達

洪武三年

左軍都督府左都督信國公湯和

十年

子太師曹國公李景隆

三十年

太師英國公張輔

正統四年

英

國公張懋

弘治四年

太師兼太子太師翊國公郭勛

嘉靖十八年

右皆兼特進光祿大夫皆勲臣

少師兼太子太師吏部尚書華蓋殿大學士劉健

弘治十八年

年李東陽

正德五年

楊廷和梁儲

十六年

楊一清

嘉靖七年

太傅兼

太子太師吏部尚書中極殿大學士張居正

萬曆九年

少師

兼太子太師中極殿大學士申時行

萬曆十六年

右皆特進光祿大夫

右柱國

鄭國公常茂曹國公李文忠宋國公馮勝衛國公鄧愈

洪武三年 潁國公傅友德 十七年 涼國公藍玉 二十一年 淇國公丘

福成國公朱能 三十五年 宣國公徐景昌 永樂元年 英國公張輔

黔國公沐晟 七年

右皆特進榮祿大夫

忠國公石亨

天順元年 保國公朱永 成化十七年

右皆特進光祿大夫皆勲臣

柱國

諸初封侯伯者多不能悉志其自文臣伯者志之以稍

異也兵部尚書忠誠伯茹瑄

洪武三十五年

兵部尚書靖遠伯

王驥

正統十年

初皆榮祿大夫禮部尚書興濟伯楊善華蓋

殿大學士武功伯徐有貞

天順元年

太子太保兵部尚書威

寧伯王越

成化十七年

少師華蓋殿大學士劉吉

弘治四年

楊廷

和梁儲

見前

南京兵部尚書新建伯王守仁

正德十六年

少師

華蓋殿大學士嚴嵩

嘉靖二十六年

少師建極殿大學士徐階

嘉靖四十五年

張居正

見前

中時行

見前

已上皆特進兼光祿大夫

少師華蓋殿大學士楊士奇少師謹身殿大學士楊榮

正統四年

少保華蓋殿大學士李賢

成化元年

太子太傅華蓋殿

大學士萬安太子太傅吏部尚書尹旻

成化十九年

太子太

保謹身殿大學士劉珝

成化二十年

劉吉

見前

太子太保吏部

尚書王恕

弘治六年

少傅謹身殿大學士徐溥少保武英殿

大學士丘濬

七年

劉健

見前

太子太保兵部尚書馬文升

十年

太子太傅吏部尚書屠滸

見前

太子太保刑部尚書閔珪

十七年

李東陽

見前

少傅武英殿大學士謝遷

十八年

少傅謹

身殿大學士焦芳少傅武英殿大學士王鏊

正德三年

少傅

吏部尚書劉宇

四年

楊廷和

見前

少傅吏部尚書劉忠

四年

梁

儲楊一清

見前

少保太子太保吏部尚書陸完太子太保

武英殿大學士靳貴

十二年

少師兵部尚書王瓊

十三年

太

子太保工部尚書李鐔

十四年

太子太保刑部尚書張子

麟少傅謹身殿大學士蔣冕少保武英殿大學士毛紀

俱十五年

少保武英殿大學士費宏

十六年

太子太保戶部尚

書韓文

致仕後加

少保吏部尚書喬宇太子太保兵部尚書

彭澤

嘉靖元年

少保武英殿大學士石琚賈詠太子太保禮

部尚書席書太子太保吏部尚書廖紀

俱六年

少傅謹身

殿大學士張璉少保武英殿大學士桂萼

俱八年

太子太

保兵部尚書李承勛

十年

太子太保兵部尚書王憲太子

太保吏部尚書汪鉉少保武英殿大學士李時方獻夫

俱十年

夏言

見前

少保武英殿大學士顧鼎臣

十八年

少保吏

部尚書許讚少保兵部尚書張瓚

十九年

嚴嵩

見前少傅武

英殿大學士翟鑾

見前

太子太保兵部尚書毛伯溫

二十四年

徐階

見前

少保武英殿大學士李本

四十一年

少保太子太保

吏部尚書歐陽必進少保兵部尚書楊博

四十二年

少傅建

極殿大學士索煒

四十四年

太子太傅工部尚書雷禮

四十五年

少傅建極殿大學士李春芳少傅武英殿大學士郭朴

隆慶元年

少傅武英殿大學士陳以勤

四十四年

張居正

見前

少師中

極殿大學士高拱

五十五年

少保兵部尚書王崇古

萬曆三年

少保

武英殿大學士呂調陽

五十五年

少保兵部尚書方逢時

七十七年

少

傅建極殿大學士張四維


九十九年

少傅太極殿大學士申時

行^{十一}年 少傅建極殿大學士許國^{十五}年 協理京營戎政

太子太保兵部尚書鄭洛^{十七}年

右俱柱國



弇山堂別集卷四十三

欽定四庫全書

史部

弇山堂別集卷四十五

詳校官編修_臣李潢

編修_臣裴謙覆勘

總校官中書_臣朱鈐

校對官中書_臣李槃

謄錄監生_臣陳元熙

欽定四庫全書

弇山堂別集卷四十四

明 王世貞 撰

贈公孤宮臣表

高皇帝下江左因勝國之舊爲五等爵以贈勲臣及文武之死綏者其後有王公侯伯之典而罷子男至公孤絕不以爲贈文皇帝復因之有贈爵而無贈官中間僅一朱長史復之相藩邸胡學士廣之侍左右皆久而

皆五品未及貴故追崇之然亦僅至尚書而止蓋五十餘年而寥寥如也仁宗即位復置公孤官以居英公輔尚書義等於是加贈姚廣孝胡廣得少師馬京得少傅墨麟得少保文臣之贈三孤自廣孝等始也宣皇寵寄夏原吉其卒也欲爵之而不果故特崇以太師而塞義因之文臣之贈三公自原吉始也嗣黔公斌之薨也欲王之則無功欲毋贈則不容已故特優以太師勲臣之贈三公自黔公斌始也周太保尚文之卒也岳都督懋

之戰歿也宜伯而斬之一崇以太傅一崇以少師武弁
之贈公孤自尚文愬始也鄒濟少詹事王汝玉贊善也
於仁廟爲舊宮臣故即位而贈之太子少保賓客文臣
之得贈東宮大僚自鄒濟汝玉始也王一寧侍郎也以
閣臣而得太子太師三品之躡得三太自一寧始也凡
國家之典始則若濫觴繼則滔滔焉又繼則湯湯焉今
而猶若有所裁者則諸典司力也作贈公孤宮臣表

贈太師

勛臣

太子太傅黔國公沐斌

景泰

太子太傅成國公朱儀

弘治

太子太傅黔國公沐琮

正德

太子太傅黔國公沐崑

嘉靖

太傅瑞安侯王源

嘉靖

文臣

御史中丞弘文館學士誠意伯劉基

正德
追贈

少保太子少傅戶部尚書夏原吉

宣德

少師吏部尚書蹇義

正統

少師工部尚書謹身殿大學士楊榮

正統

少師兵部尚書華蓋殿大學士楊士奇

正統

少保禮部尚書武英殿大學士楊溥

正統

太子太保兵部尚書儀銘

景泰

少保吏部尚書華蓋殿大學士李賢

成化

少保吏部尚書文淵閣大學士彭時

成化

少師太子太師吏部尚書華蓋殿大學士萬安

弘治

少師太子太師吏部尚書華蓋殿大學士劉吉

弘治

少師太子太師吏部尚書華蓋殿大學士徐溥

弘治

太子太保吏部尚書王恕

正德

少師太子太師吏部尚書華蓋殿大學士李東陽

正德

少師太子太師吏部尚書馬文升

嘉靖
加贈

少師太子太師吏部尚書華蓋殿大學士劉健

嘉靖

少師太子太師吏部尚書華蓋殿大學士梁儲

嘉靖

少師太子太師吏部尚書華蓋殿大學士張孚敬

嘉靖

少師太子太師吏部尚書建極殿大學士徐階

萬曆

少師太子太師吏部尚書中極殿大學士李春芳

萬曆

少師太子太師吏部尚書中極殿大學士張四維

萬曆

贈太傅

勛臣

太子太傅魏國公徐輔

正德

太子太傅伏羌伯毛銳

太子太保鎮遠侯顧仕隆

太子太傅黔國公沐紹勛

太子太傅成國公朱輔

太子太傅惠安伯張偉

太保太子太傅平江伯陳圭

太子太傅黔國公沐朝輔

太保太子太傅宣城伯衛鐸

太子太保撫寧侯朱麒

已上俱
嘉靖

親臣

慶雲侯贈寧國公周能

弘治

會昌伯贈安國公孫忠

正統

武清侯贈安國公李偉

萬厯

文臣

吏部尚書文淵閣大學士曹鼎

天順
再贈

少保吏部尚書謹身殿大學士商輅

成化

少保兵部尚書于謙

弘治

少保太子太保戶部尚書武英殿大學士丘濬

弘治

少保太子太傅都察院左都御史王越

弘治

太子太保戶部尚書武英殿大學士靳貴

正德

少師太子太師吏部尚書馬文升

正德
初贈

少傅太子太傅戶部尚書武英殿大學士王鏊

少傅太子太傅戶部尚書謹身殿大學士謝遷

少保太子太保禮部尚書武英殿大學士席書

少保太子太傅吏部尚書武英殿大學士桂萼

少傅太子太師吏部尚書華蓋殿大學士李時

以上俱嘉靖

少師太子太師吏部尚書楊博

萬曆

少傅太子太傅禮部尚書武英殿大學士呂本

武臣

太保太子太傅後軍都督府左都督大同總兵周尚文

隆慶

太保太子太傅後軍都督府左都督掌錦衣衛朱希孝

萬曆

贈太保

勛臣

太子少保平章軍國重事鄂國公常遇春

洪武

太子太保黔國公沐朝輔

嘉靖

吳國公張嶠

嘉靖

成國公朱輔

嘉靖

少保太子太傅遂安伯陳鏞

萬曆

少傅太子太傅彰武伯楊炳

少保太子太保鎮遠侯顧寰

少保太子太保靈璧侯湯佑賢

親臣

安國公孫忠

天順

昌國公張巒

弘治

駙馬都尉太子太保蔡震

文臣

少保戶部尚書武英殿大學士黃淮

正統

禮部尚書胡濙

天順

吏部尚書王直

天順

少保南京戶部尚書黃福

成化

少保工部尚書謹身殿大學士東閣大學士高穀

太子太保吏部尚書王翱

俱成化

少保吏部尚書謹身殿大學士東閣大學士王文

太子太保戶部尚書謹身殿大學士劉珏

吏部尚書尹旻

太子太保兵部尚書余子俊

太子太保吏部尚書耿裕

太子太保工部尚書徐貫

太子太傅刑部尚書白昂

已上俱弘治

少保太子太保刑部尚書閔珪

太子太傅吏部尚書都察院左都御史屠滸

太子太保禮部尚書周經

太子太保刑部尚書屠勲

太子太保兵部尚書劉大夏

太子太保刑部尚書洪鍾

已上俱正德

少傅太子太傅吏部尚書武英殿大學士劉忠

太子太保工部尚書李鑑

後削

少保太子太保都察院左都御史陳金

少師太子太師吏部尚書華蓋殿大學士費宏

少保太子太保吏部尚書謹身殿大學士毛紀

少保太子太傅禮部尚書武英殿大學士顧鼎臣

少保太子太保禮部尚書武英殿大學士賈詠

少師太子太師吏部尚書華蓋殿大學士楊一清

少保太子太保吏部尚書武英殿大學士方獻夫

少保太子太保兵部尚書張瓚

已上俱嘉靖

少師太子太師吏部尚書華蓋殿大學士楊廷和

隆慶

少保太子太保禮部尚書吳山

萬歷

少傅太子太傅工部尚書雷禮

少傅太子太傅戶部尚書建極殿大學士呂調陽

少傅太子太傅戶部尚書建極殿大學士余有丁

少保太子太保禮部尚書武英殿大學士殷士儋

少傅太子太師吏部尚書武英殿大學士陳以勤

少保太子太保兵部尚書王崇古

俱萬曆

武臣

太子太保左都督鎮守大同總兵官梁震

贈少師

勲臣無

文臣

太子少師贈榮國公姚廣孝

再贈
洪熙

文淵閣大學士翰林院學士贈禮部尚書胡廣

再贈
洪熙

兵部尚書兼詹事府詹事金忠

洪熙

少傅太子太傅吏部尚書文淵閣大學士許讚

嘉靖

少傅太子太傅戶部尚書建極殿大學士袁煒

嘉靖

少傅太子太傅戶部尚書謹身殿大學士蔣冕

隆慶

武臣

大同總兵都督僉事岳懋

贈兼左都督

真人

清微妙濟守靜修真凝玄衍範志默秉誠致一真人禮

部尚書邵元節

隆慶
追奪

贈少傅

勛臣無

文臣

北京行部左侍郎馬京

洪熙

吏部左侍郎翰林院學士曹鼎

景泰初贈

兵部尚書翰林院學士苗衷

景泰

太子少保禮部尚書文淵閣大學士陳文

成化

太子少保兵部尚書白圭

成化

少保太子太保吏部尚書廖紀

嘉靖

少保太子太保吏部尚書喬宇

隆慶

武臣無

贈少保

親臣

駙馬都尉鄔景和謝詔

勲臣無

文臣

工部左侍郎兼詹事府少詹事墨麟

洪熙

兵部尚書陳洽

太子少保戶部尚書武英殿大學士金幼孜

宣德

戶部尚書王佐

景泰

兵部尚書鄭瑩

景泰

太子少保戶部尚書馬昂

成化

太子少保吏部尚書姚夔

成化

太子少保刑部尚書林聰

成化

太子少保吏部尚書倪岳

弘治

太子少保戶部尚書秦紘

弘治

太子少保兵部尚書翰林院學士尹直

正德

太子少保南京兵部尚書王軾

正德

太子太保都察院左都御史王璟

太子太保南京兵部尚書陶琰

太子太保兵部尚書李承勛

太子太保兵部尚書胡世寧

太子太保吏部尚書王瓊

太子太保兵部尚書王憲

太子太保南京兵部尚書秦金

太子太保工部尚書林廷楫

太子太保兵部尚書劉天和

太子太保吏部尚書唐龍

太子太保都察院左都御史屠僑

太子太保兵部尚書兼都察院右僉都御史總督陝西

三邊軍務王以旂

太子太保禮部尚書掌太醫院事許紳

太子太保吏部尚書聞淵

太子太保兵部尚書兼都察院右副都御史總督山西

宣大軍務江東

已上俱嘉靖

太子太保吏部尚書熊浹

太子太保刑部尚書林俊

太子太保兵部尚書都察院左都御史王廷相

以上皆隆慶

都察院右都御史顧佐

萬曆追贈

太子太保吏部尚書武英殿大學士嚴訥

太子太保兵部尚書張佳胤

武臣

山西總兵都督僉事李深

遼東總兵都督同知楊照

大同總兵都督僉事王治道

贈太子太師

勲親臣無

文臣

太子少師禮部左侍郎翰林院學士王一寧

武臣無

贈太子太傅

勛親臣無

文臣

太子太保禮部尚書張昇

太子太保兵部尚書閻仲宇

俱正德

太子太保禮部尚書掌太常寺事田景賢

武臣無

贈太子太保

勛臣無

親臣

泰和伯陳萬言

嘉靖

固安伯陳景行

萬曆

駙馬都尉李和

文臣

戶部侍郎王鍾

洪熙

詹事府少詹事鄒濟

成化
再贈

太子少保都察院左都御史李賓

成化

太子少保工部尚書王復

成化

太子少保戶部尚書楊鼎

成化

太子少保南京兵部尚書張瑩

弘治

太子少保禮部尚書掌通政司事張文質

弘治

太子少保禮部尚書鄒幹

吏部尚書李秉

太子少保兵部尚書張鵬

兵部尚書項忠

太子少保都察院右都御史朱英

太子少保南京吏部尚書陳俊

南京吏部尚書王儼

禮部尚書傅瀚

太子少保南京兵部尚書張悅

弘治

禮部尚書掌詹事府事翰林院學士吳寬

都察院左都御史戴珊

正德

工部尚書曾鑑

南京戶部尚書陳清

太子少保戶部尚書樂洪

戶部尚書顧佐

太子少保南京兵部尚書劉機

太子少保吏部尚書許進

太子少保禮部尚書掌詹事府事翰林院學士白鉞

都察院右都御史史琳

南京兵部尚書林瀚

太子少保兵部尚書掌通政司事王敞

禮部尚書掌詹事府事翰林院學士李遜學

都察院右都御史鄧璋

正德

南京吏部尚書孫需

太子少保禮部尚書掌通政司事李浩

禮部尚書掌詹事府事兼翰林院學士劉春

太子少保刑部尚書劉璟

兵部尚書金獻民

禮部尚書文淵閣大學士袁宗臯

兵部尚書李鉞

南京戶部尚書蔣昇

都察院右都御史俞諫

太子少保禮部尚書掌通政司事俞琳

刑部尚書王鑑之

太子少保南京兵部尚書李充嗣

刑部尚書趙鑑

工部尚書趙璜

南京戶部尚書許誥

戶部尚書李瓚

太子少保吏部尚書周用

太子少保南京戶部尚書周金

太子少保禮部尚書掌詹事府事翰林院學士霍韜

刑部尚書楊志學

太子賓客南京兵部尚書張邦奇

太子賓客戶部尚書翰林院學士李廷相

太子少保工部尚書蔣瑤

南京兵部尚書劉龍

太子少保禮部尚書盛端明

後削

吏部尚書羅欽順

太子少保南京吏部尚書吳一鵬

新除總督兩廣軍務兵部尚書兼都察院左副都御史

潘鑑

禮部尚書掌詹事府事翰林院學士溫仁和

南京吏部尚書朱希周

太子少保禮部尚書掌詹事府事翰林院學士孫承恩

太子少保都察院左都御史周延

嘉靖

太子少保戶部尚書梁材

太子少保戶部尚書王昺

工部尚書宋禮

永樂大臣
隆慶初贈

太子少保禮部尚書文淵閣大學士高儀

太子少保兵部尚書兼南京都察院右都御史趙炳然

太子少保南京吏部尚書袁洪愈

太子少保吏部尚書萬鏜

太子少保兵部尚書譚綸

太子少保都察院左都御史葛守禮

太子少保吏部尚書李默

太子少保兵部尚書邵光先

太子少保南京吏部尚書王用賓

武臣

掌錦衣衛事都督府左都督陳寅

嘉靖

贈太子少師

勛親臣無

文臣

禮部尚書鄭賜

洪熙

禮部左侍郎儀智

贈太子少傅

文臣

兵部尚書劉儁

洪熙

太子少保禮部尚書兼翰林院學士彭華

弘治

刑部尚書何喬新

正德

南京工部尚書胡拱辰

嘉靖

武臣無

贈太子少保

勛臣

廣寧伯劉泰

襄城伯李全禮

文臣

禮部左侍郎儀智

洪熙

詹事府少詹事鄒濟

洪熙初贈

左春坊左贊善徐善述

洪熙

南京兵部尚書參贊機務徐琦

正統

南京吏部尚書參贊機務崔恭

南京刑部尚書耿九疇

南京禮部尚書倪謙

南京吏部尚書錢溥

南京兵部尚書王繼

南京兵部尚書原傑

南京工部尚書黃鑑

工部尚書謝一夔

南京工部尚書黃珂

弘治

兵部尚書王竑

南京禮部尚書童軒

南京工部尚書董越

南京禮部尚書謝綬

刑部尚書陸瑜

刑部尚書董方

南京刑部尚書周瑄

戶部尚書李敏

都察院左都御史鄧廷瓚

南京刑部尚書瞿瑄

南京禮部尚書黎淳

刑部尚書彭韶

戶部尚書高銓

南京戶部尚書潘蕃

都察院左都御史張敷華

正德

南京禮部尚書王宗彞

工部尚書掌大理寺楊守隨

南京吏部尚書楊守陟

刑部尚書王鑑之

都察院右都御史史琳

初贈

南京刑部尚書戈瑄

南京刑部尚書吳洪

南京禮部尚書江淵

南京工部尚書洪遠

南京工部尚書崔文奎

南京工部尚書胡富

都察院右都御史張憲

都察院右都御史張泰

南京吏部尚書黃珣

南京工部尚書李瀚

南京戶部尚書潘蕃

南京刑部尚書樊瑩

南京禮部尚書吳儼

南京戶部尚書王鴻儒

南京兵部尚書秦民悅

禮部尚書傅珪

都察院右都御史熊繡

總制陝西三邊軍務工部尚書兼都察院左都御史才

寬

刑部尚書劉纓

南京工部尚書鄭時

南京工部尚書柴昇

戶部尚書鄒文盛

嘉靖

南京工部尚書侯瓚

南京禮部尚書邵寶

南京禮部尚書楊廉

南京工部尚書何詔

南京刑部尚書周倫

南京戶部尚書孟鳳

南京禮部尚書顧清

興府左長史張景明

南京工部尚書叢蘭

南京工部尚書林廷選

南京戶部尚書鄧庠

都察院右都御史王懋中

南京工部尚書蔣昇

南京工部尚書陳雍

南京都察院左都御史陳玉

都察院左都御史宋景

都察院右都御史張嶺

南京吏部尚書張潤

都察院右都御史周南

禮部尚書兼翰林院學士歐陽德

戶部尚書張雲

南京刑部尚書翁溥

戶部尚書賈應春

南京禮部尚書孫陞

兵部尚書翁萬達

南京刑部尚書顧應祥

協理京營戎政兵部尚書王邦瑞

南京吏部尚書王崇慶

都察院右都御史張岳

南京工部尚書王鈐

刑部尚書何鰲

刑部尚書錢如京

刑部尚書鄭曉

吏部尚書胡松

都察院左都御史張永明

南京兵部尚書李遂

工部尚書鄭紳

南京刑部尚書高友璣

隆慶

南京兵部尚書韓邦奇

禮部尚書汪俊

刑部尚書吳山

南京兵部尚書劉米

萬曆

南京兵部尚書王學夔

南京兵部尚書吳嶽

南京刑部尚書林雲同

戶部尚書方鉞

都察院左都御史陳瓚

都察院左都御史潘恩

戶部尚書馬森

刑部尚書毛愷

總督三邊兵部尚書石茂華

南京都察院右都御史海瑞

南京兵部尚書陰武卿

禮部尚書兼翰林院學士汪鏜

南京兵部尚書郭宗臯

都察院左都御史王廷

贈太子賓客

右春坊右贊善王汝玉

弇山堂別集卷四十四